
ԶԱՔԱՐՅԱՆ ՀԱՅԱՍՏԱՆԸ ԻԼԽԱՆՈՒԹՅԱՆ ԱՌԱՋԻՆ ՇՐՋԱՆՈՒՄ

ԱՐՏԱՇԵՍ ՇԱՀՆԱԶԱՐՅԱՆ

Մանգուին մոնղոլական պետության մեծ խան ընտրելու կապակցությամբ 1251 թ. Կարակորումում կայացած կուրալթայում որոշվել էր ամբողջացնել Իրանի գրավումը և նվաճել դրան հարակից երկրները: Այդ նպատակով Մանգուի (1251–1259) եղբայր Հուլավուի գլխավորությամբ առանձնացվեց մի խոշոր բանակ, որը 1256 թ. հունվարին մտավ Իրան: Տեղ հասնելով, Հուլավուն անմիջապես հինգ վիլայեթներից կազմված մոնղոլական կուսակալության գերագույն իշխանությունը վերցրեց իր ձեռքը և ձեռնամուխ եղավ իսմայիլիտների պետության վերացմանը: Դա ավարտվեց նույն թվականի դեկտեմբերի 15-ին՝ այդ պետության կենտրոն Ալամութի գրավմամբ, որով Իրանի նվաճումն ավարտվեց: Իսմայիլիտների դեմ կռվելիս Հուլավուի զորքի պարենամթերքը բերվում էր նաև Հայաստանից՝

Ամբողջ Իրանին տիրելով՝ Հուլավուն 1256 թ. հիմնեց մի նոր պետություն, որը դարձավ մոնղոլական տերության հինգերորդ ուլուսը: Այն պաշտոնապես ճանաչվեց 1261 թ.՝ Հուլավուի եղբայր, մեծ խան Խուբիլայի (1259–1294) կողմից: Այս ուլուս-պետությունը, որը □մոնղոլական և տեղական, գերագանցապես իրանական, պետականության ձևերի ու ավատատիրական ինստիտուտների համակցություն էր², իր հիմնադրի ու նրա ժառանգորդների իլխան (ցեղի խան) տիտղոսի անունով կոչվեց Իլխանություն և միայն ձևականորեն էր ընդունում մեծ խանի գերիշխանությունը:

Երբ Հուլավուն 1257 թ. ամռանը Քազվինից շարժվում էր Համադան, նրան ընդառաջ գնաց արդեն նախկին կուսակալ Բաչու նոյինը: Իլխանը նրան զայրացած ընդունեց՝ մեղադրելով նվաճումներում թերանալու մեջ³: Նա հրամայեց, որ Բաչուի գլխավորած զորքերն անհապաղ «թողուլ զերկիր կալուածոյ բնակութեան իւրեանց՝ զՄուղան և զաշխարհն Աղուանից և զՀայոց և զՎրաց»⁴, շարժվեն արևմուտք և նվաճեն մինչև Միջերկրական ծով ընկած շրջանները, այսինքն Բկո-

¹ Рашид ад - Дин. Сборник летописей (այսուհետև՝ Рашид ад - Дин), т. III. М.–Л., 1946, с. 30–31; Կ ի ր ա կ ու Գ ա ն ձ ա կ ե ց ի. Պատմություն Հայոց, աշխատասիրությամբ Վ. Ա. Մելիք-Օհանջանյանի (այսուհետև՝ Կ ի ր ա կ ու Գ ա ն ձ ա կ ե ց ի), Երևան, 1961, էջ 376, Հաւարումն պատմութեան Վ ա ր դ ա ն ա յ վ ա ր դ ա պ ե տ ի լ ու ս ա ր ա ն ե ալ (այսուհետև՝ Վ ա ր դ ա ն վ ա ր դ ա պ ե տ), Վենետիկ, 1862, էջ 149, Մանր ժամանակագրություններ, XIII-XVIII դդ., կազմեց Վ. Ա. Հակոբյան, հ. I, Երևան, 1951, էջ 43, հ. II, Երևան, 1956, էջ 142, Картлис цховреба. Тбилиси, 2008, с. 358, 360–361.

² И. П. Петрушевский. Земледелие и аграрные отношения в Иране XIII-XIV веков. М.–Л., 1960, с. 47.

³ Рашид ад - Дин, с. 32.

⁴ Կ ի ր ա կ ու Գ ա ն ձ ա կ ե ց ի, էջ 377, Рашид ад - Дин, с. 33.

նհայի սելջուկյան սուլթանությունը⁵: Թեև Բաշուն ու նրան ենթակա զորահրամանատարները դժվարանում էին թողնել իրենց հարմարավետ բնակատեղիները, Հուլավուից երկյուղելով ստիպված էին կատարել հրամանը⁶: Նույն՝ 1257 թ. Բաշուն զորքով մտավ Բկոնիայի սելջուկյան սուլթանություն: Նա Քյոսե-դաղում ջախջախելով սուլթան Բզզ ադ-Դին Քեյ Քավուզ II-ի (1246–1257) բանակը, գրավեց նրա սուլթանությունը՝ այն ենթարկելով կողոպուտի, կոտորածի ու ավերածության: Այս արշավանքի ժամանակ Կիլիկյան Հայաստանի Հեթում Ա թագավորը (1226–1270) զորքով աջակցեց Բաշունին, որը «թուղթ գոհութեան և գովութեան գրեալ վասն նորա առ Հուլաուն»⁷: Բաշունի զորքերն ի թիվս այլ քաղաքների, գրավեցին ու կողոպտեցին Կարինը և բնակչության մի մասին սրատեցին⁸: Այդ ընթացքում մոնղոլ զորավարներից Խուլը «կոխեաց անողորմաբար զտառապեալ քրիստոն[ե]լայսն»՝ տանջելով ու սպանելով բազմաթիվ քահանաների, մասնավորապես Գերեթին վանքի վանահայր Ստեփանոսին, իսկ Ղատաղա խանն ասպատակեց Երզնկան ու Կամախը⁹:

Հուլավուն դեռ Իրան չհասած, յառիկներ էր ուղարկել մոնղոլների ենթակայության տակ գտնվող երկրների, այդ թվում Վրացական թագավորության տիրակալներին՝ պահանջելով իրեն զորքով, զենքով ու պարենով աջակցել, հակառակ դեպքում սպառնալով նրանց գրկել զորքից, տիրույթներից և այլ ունեցվածքից¹⁰: Այդ իսկ պատճառով Հուլավուն ընդառաջ գնալիս, Բաշու նոյինն իր հետ տարել էր նաև վրաց Ուլու Դավիթ թագավորին (1246–1271) և հայ ու վրաց ավագանու երևելիներին: Ի տարբերություն Բաշունի, Հուլավուն նրանց սիրալիք ընդունեց¹¹: Հայկական սկզբնաղբյուրները դա բացատրում են քրիստոնյաների նկատմամբ Հուլավուի ջերմությամբ և նրա կին Տոնդուզ խաթունի քրիստոնյա լինելով¹²: Իրականում քրիստոնյաների (նաև էթնիկական ու կրոնական փոքրամասնությունների) նկատմամբ Հուլավուի բարեհաճությունը, որն արձանագրել է նաև Ռաշիդ ադ-Դինը¹³, պատճառաբանվում է այն իրողությամբ, որ նա վերջիններիս դիտում էր իբրև մողոլների հիմնական թշնամի մահմեդականների (հատկապես սյունի) դեմ պայքարում դաշնակցի: Ուստի, հայ և վրաց ավագանիներին սիրաշահելով, Հուլավուն ջանում էր ապահովել նրանց հավատարիմ ու ջանադիր ծառայությունը գալիք մարտերում:

⁵ Р а ш и д а д - Д и н, с. 33; Մանր ժամանակագրություններ, XIII-XVIII դդ., հ. II, էջ 141:

⁶ Կ ի ր ա կ ն ու Գ ա ն ձ ա կ ե ց ի, էջ 375, Վ ա ր դ ա ն վ ա ր դ ա պ ե տ, էջ 149:

⁷ Այս արշավանքի մասին տե՛ս Р а ш и д а д - Д и н, с. 33; Կ ի ր ա կ ն ու Գ ա ն ձ ա կ ե ց ի, էջ 375-376, Վ ա ր դ ա ն վ ա ր դ ա պ ե տ, էջ 149, Մանր ժամանակագրություններ, XIII-XVIII դդ., հ. I, էջ 43, հ. II, էջ 141-142, Р. Г у с е й н о в. Сирийские источники XII-XIII вв. об Азербайджане. Баку, 1960, с. 76.

⁸ Կ ի ր ա կ ն ու Գ ա ն ձ ա կ ե ց ի, էջ 375:

⁹ Գ Ր Ի Գ Ն Ր Ա կ ն ե ր ց ի. Պատմութիւն թաթարաց (այսուհետև՝ Գ Ր Ի Գ Ն Ր Ա կ ն ե ր ց ի), Երուսաղեմ, 1974, էջ 38-39, Մանր ժամանակագրություններ, XIII-XVIII դդ., հ. I, էջ 43, հ. II, էջ 142:

¹⁰ Р а ш и д а д - Д и н, с. 25.

¹¹ Карлис цховреба, с. 359.

¹² Վ ա ր դ ա ն վ ա ր դ ա պ ե տ, էջ 149, Գ Ր Ի Գ Ն Ր Ա կ ն ե ր ց ի, էջ 45, 46:

¹³ Р а ш и д а д - Д и н, с. 27, 41.

Որ, իրոք, Հուլավուն հասավ իր նպատակին, երևում է Գրիգոր Ակներցու հետևյալ տողերից. «յոժ սիրէր Հուլաու Ղանն զգաւրքն Հայոց եւ Վրաց. վասն կարի քաջութեան իւրեանց, զոր առնէին առաջի նորա յամենայն պատերազմունս, վասն որոյ Բահադուրս անուանեաց զնոսայ. զի զգեղեցիկ եւ զերիտասարդ որդիս մեծ իշխանացն Հայոց եւ Վրաց ընտրեաց եւ կացոյց դոնապանսն իւր»¹⁴: Մոնղոլների ռազմական ձեռնարկումներին մասնավորապես հայ իշխանների եռանդուն մասնակցությունը ստիպողական լինելուց զատ, բացատրվում է նրանով, որ ի թիվս հպատակ այլ ժողովուրդների վերնախավի ներկայացուցիչների, դա էթե ոչ բարձրացման, ապա գոնե ունեցած դիրքերի ու կալվածքների պահպանման կարևորագույն միջոց էր:

Հուլավուն 1258 թ. փետրվարի 4-ին գրավեց Բադդադը և կործանեց Աբասյան խալիֆայությունը: Ռազմական գործողություններին եռանդուն մասնակցեց հայ-վրացական իշխանագործը¹⁵: Հայ իշխաններից հատկապես աչքի ընկան ամիրսպասալար Շահնշահի ավագ որդի Չաքարեն և Վասակ Խաղբակյանի տղա Հասան-Պոռշը¹⁶: Պատահական չէ, որ վերջինս ընդգրկվել էր այն դեսպանության կազմում, որին Հուլավուն ուղարկել էր Բադդադ՝ Աբասյան վերջին խալիֆ Մութասիմի մոտ, առաջարկելով հանձնվել¹⁷: Սակայն Մութասիմը մերժեց, ուստի Բադդադը գրավվելուց հետո սպանվեց: Քաղաքը մի քանի օր հիմնովին կողոպտվեց ու գրեթե ամբողջությամբ հրկիզվեց, իսկ բնակչությունը, բացառությամբ քրիստոնյաների ու հուդայականների, գրեթե ոչնչացվեց¹⁸:

Հյուսիսային Միջագետքը գրավելու նպատակով Հուլավուն 1258 թ. գարնանն այնտեղ ուղարկեց նոր զորքեր՝ իր որդիներից Իշմութի գլխավորությամբ¹⁹: Այս բանակը որոշ նվաճումներից հետո պաշարեց Մուֆարզին (Տիգրանակերտ) քաղաքը, որը մոնղոլների սպասածին հակառակ, կատաղի դիմադրեց: Երբ Մուֆարզինի պաշարումը երկարեց, Հուլավուն Չաղաթայ անունով մի զորավարի գլխավորությամբ նոր զորք ուղարկեց: Այս զորքի կազմում գործող հայ-վրացական զորամասերը գլխավորում էր Հասան-Պոռշը²⁰: Մոնղոլներին հաջողվեց Մուֆարզինը գրավել մոտ երկու տարվա պաշարումից հետո՝ 1260 թ. գարնանը, այն էլ մեծ կորուստների գնով: Մուֆարզինի համար մղված կատաղի կռիվներում «քաջապես մարտուցեալ» սպանվեց Չաքարեն ամիրսպասալարի ու Իվանե աթաբեկի քույր Դոփի թոռ Սևադա Խաչենցին՝ «որդի մեծ իշխանին Գրիգորի»²¹: Չի բացառվում, որ հենց նա է Ռաշիդ ադ-Դինի հիշատակած այն «վրացական ազնաուրը»,

¹⁴ Գրիգոր Ակներցի, էջ 47:

¹⁵ Картлис цховреба, с. 362–363.

¹⁶ Կիրակոս Գանձակեցի, էջ 380:

¹⁷ Նույն տեղում: Հմմտ. Քաիմադ - Դին, с. 34–35.

¹⁸ Կիրակոս Գանձակեցի, էջ 381–383, Վարդան վարդապետ, էջ 150, Գրիգոր Ակներցի, էջ 41–42, Картлис цховреба, с. 362–363; Քաիմադ - Դին, с. 44–45.

¹⁹ Վարդան վարդապետ, էջ 152, Կիրակոս Գանձակեցի, էջ 385, Քաիմադ - Դին, с. 54.

²⁰ Կիրակոս Գանձակեցի, էջ 385:

²¹ Վարդան վարդապետ, էջ 152:

որն, ըստ պատմիչի, ի գորու էր միայնակ գորք ջախջախել և խիզախաբար ընկավ պաշարման առաջին օրերին՝ քաղաքի պարիսպների տակ մարտում²²:

Այս ընթացքում՝ 1259 թ. հոկտեմբերի 12-ին, Այուբյաններին պատկանող Ասորիքը և Հյուսիսային Միջագետքը լիովին նվաճելու նպատակով Հուլավուն մեծ բանակով՝ հայ-վրացական ուժերի և Հեթում Ա-ի ու նրա զորքերի հետ արշավեց այնտեղ: 1259 թ. վերջերին գրավվում է Այուբյանների նստավայր Հալեպը²³: Այս քաղաքի ամրոցի գրավման համար մղված 40-օրյա մարտերում հատկապես աչքի ընկավ ու վիրավորվեց իշխան Սադուն Մահկանաբերդցին՝ քաջության համար արժանանալով Հուլավուի բարեհաճությանը²⁴: Թերևս դրանով է բացատրվում, որ Սադունն այս արշավանքի ժամանակ ոչ միայն դարձավ մոնղոլների ու որոշակի պայմաններով նրանց հպատակվելու պատրաստակամություն հայտնած սասունցիների բանակցությունների միջնորդը, այլև ի կառավարումն ստացավ Մասունը: Մակայն մոնղոլները «յետոյ ստեցին երդումն» և ուխտադրժաբար ներխուժելով Մասուն, կոտորեցին բազմաթիվ սասունցիների²⁵: Մոնղոլները 1260 թ. կեսին տիրացան Ասորիքի մի շարք բնակավայրերի՝ դրանց բնակչությանն իրենց բնորոշ դաժանությամբ ենթարկելով կողոպուտի ու զանգվածային ոչնչացման: Այս առումով ուշագրավ է Ռաշիդ ադ-Դինի վկայությունն առ այն, որ Խարիմ բերդի բնակիչներից միայն մի հայ ոսկերիչ էր փրկվել²⁶:

Հուլավուն ծրագրել էր այնուհետև շարժվել դեպի Պաղեստին և այն հպատակեցնելուց հետո ջախջախել հեթանոս-շամանական մոնղոլների ու քրիստոնյաների դեմ պայքարում Բաղդադի Աբասյան խալիֆայության կործանումից հետո իսլամական աշխարհի դրոշակակրի դերն ստանձնած Եգիպտոսի մամլուքյան սուլթանությունը: Մակայն մեծ խան Մանգուի՝ խոլերայից մահվան (1259 թ. օգոստոս) լուրն առնելով նա ռազմական գործողությունները դադարեցնում է և վերադառնում Խլաթ, որտեղ հասնում է 1260 թ. հունիսի 6-ին: Նախքան այդ, նա Ասորիքում իր տեղապահ և այնտեղ թողած 20 հազարանոց զորքի հրամանատար է նշանակում նեստորական քրիստոնյա մոնղոլ զորավար Քեթբուղա նոյինին: Երբ վերջինս շարժվում է Երուսաղեմ, Եգիպտոսի մամլուքյան սուլթան Մուգաֆֆար Սեյֆ ադ-Դին Կուրուզը նրա առաջխաղացումը կասեցնելու նպատակով իր դաշնակիցների հետ մեծ զորքով մտնում է Պաղեստին և 1260 թ. սեպտեմբերի 3-ին Թաբորական լեռան մոտ գտնվող Այն-Ջալուտի հովտում կայացած ճակատամարտում մոնղոլներին գլխովին ջախջախում: Թե՛ մոնղոլները և թե՛ ճակատի առաջին զծում մարտնչող հայ-վրացական զորամասերը մեծ կորուստներ են կրում, իսկ

²² Рашидад - Дин, с. 54.

²³ Հայերեն ձեռագրերի հիշատակարաններ, ԺԳ դար, կազմեց Ա. Ս. Մաթևոսյան, Երևան, 1984, էջ 297, Рашидад - Дин, с. 49-50.

²⁴ Рашидад - Дин, с. 49-50. Հմմտ. Մամուլիի քահանայի Ա ն ե ց ւ ո յ Հաւարմունք ի գրոց պատմագրաց, Վաղարշապատ, 1893, էջ 151 և ուրիշներ: Սադուն Մահկանաբերդցու մասին տե՛ս Ն. Մ ա ր գ ա ր յ ա ն. Մահկանաբերդցիների (Սադունեանների) իշխանական սունը ԺԲ-ԺԴ դարերում. - «Հայկազան հայագիտական հանդես», հ. ԺԸ, Բեյրութ, 1998, էջ 9-40:

²⁵ Կ ի ր ա կ ու Գ ա ն ձ ա կ ե ց ի, էջ 386:

²⁶ Рашидад - Дин, с. 50.

Քեթրուդան գերվում է ու սպանվում²⁷: Դրանից հետո Կուրուզը տիրանում է Ասորիքի մեծ մասին:

Այս ծանր պարտությունից հետո դեպի հարավ Բյուսանության ընդարձակմանը վերջ տրվեց, չնայած Հուլավուի հաջորդները չէին դադարեցնում ամբողջ Ասորիքի ու Պաղեստինի գրավման փորձերը: Այսպիսով՝ Հուլավուի ստեղծած պետության մեջ մտնում էին Ադվանստանի արևմտյան մեծ մասը, Իրանը, Ասորպատականը, Ադվանքը, Շիրվանը, Հայաստանը, Արևելյան Վրաստանը, Հյուսիսային Ասորիքը, Փոքր Ասիայի արևելյան շրջանները (Ռուս) և, իբրև ստորակա պետություններ՝ Արևմտյան Վրաստանը, Տրապիզոնի կայսրությունը, Բկոնիայի սելջուկյան սուլթանությունը, Կիլիկյան Հայաստանը և Ասորիքում ու Կիպրոսում խաչակրաց տիրույթները:

Բյուսանության ստեղծումից հետո էլ Զաքարյան Հայաստանը շարունակեց մնալ Գյուրջիստանի վիլայեթի կազմում: Գյուրջիստանի վիլայեթում ներառված իրենց իշխանությունների վարչատնտեսական, ֆինանսահարկային ու դատական համակարգը մոնղոլական պաշտոնեության հսկողությամբ տնօրինում էին տեղական իշխողները: Վիլայեթի մեջ մտնող թվով հինգ հայկական թումաններն առաջվա պես գլխավորում էին ամիրսպասալար Շահնշահի որդի Զաքարեն, աթաբեկ Ավագի կին Գոնցան, Ադբուդա Վահրամյանը, Մմբատ Օրբելյանը և Հասան-Ջալալը: Նրանք համապատասխանաբար իշխում էին «Շահնշահյան» ու «Ավագյան» տների և Վահրամյանների տիրույթներում, Սյունիքում ու Ներքին Խաչենում: Զաքարյան Հայաստանում մինչև 1250-ական թվականների սկիզբն անսասան գերիշխող Զաքարյան իշխանական տան դիրքերի թուլացումն այդ տասնամյակի վերջերին իրեն ավելի զգալ տվեց: Դրա պատճառն ինչպես Զաքարյանների երկու գլխավոր ճյուղերի՝ Շահնշահյանների ու Ավագյանների ներհակություններն էին, այնպես էլ «Ավագյան տան» տիրույթների նկատմամբ Ուլու Դավթի հավակնությունները և, ի հակակշիռ Զաքարյանների, այլ իշխանական տներ հզորացնելով իրենց իշխանությունն ամրապնդելու մոնղոլների ուղեգիծը:

«Ավագյան տան» տիրույթները վրաց արքունապատկան ռուսանի մեջ ներառելու նպատակով Ուլու Դավթի թ. վերջերին ամուսնացավ աթաբեկ Ավագի այրի Գոնցայի հետ²⁸: Արու զավակից զուրկ, և միայն Խոշաք անունով չափահաս դուստր ունեցող վրացուհի Գոնցան իր հերթին այդ քայլին դիմեց Մմբատ Օրբելյանի ռոնձգություններին ու Ավագի ժառանգության նկատմամբ «Շահնշահյան տան» հավակնություններին վերջ տալու միտումով: Մոր ամուսնության հետևանքով հայրական կալվածքներից փաստացի զրկված Խոշաքի խնամակալությունն Ուլու Դավթի հանձնեց ֆիզիկական ու մտավոր մեծ ունակություններով օժտված և ճարտասանությամբ ու լեզուների իմացությամբ հայտնի Մադուն Մահկանաբերդուն՝ այդ ժամանակ դեռ Մահկանաբերդի համեստ տիրոջը²⁹: Բնականա-

²⁷ Նույն տեղում, էջ 50-53, Կ ի ր ա կ ո ս Գ ա ն ձ ա կ ե ց ի, էջ 388-389, Վ ա ր դ ա ն Վ ա ր դ ա պ ե տ, էջ 152, Մ խ ի թ ա ր ա յ Ա յ ի ի ա ն ե ց լ ո յ Պատմություն Հայոց (այսուհետև՝ Մ խ ի թ ա ր Ա ն ե ց ի), Մոսկվա, 1860, էջ 68, Մ մ բ ա տ ա յ Ս պ ա ր ա պ ե տ ի Տարեգիրք, Վենետիկ, 1956, էջ 222, Մանր ժամանակագրություններ, XIII-XVIII դդ., հ. II, էջ 70 և այլն:

²⁸ Картлис цховреба, с. 365.

²⁹ Նույն տեղում:

բար, Խոշաքի ամուսնությունը հանգեցրեց նրա ու դստեր հարաբերությունների սրմանը և Ջաքարյան իշխանական տան էական թուլացմանը: Փոխարենը, սկսվեց Սադունի շեշտակի վերելքը: Իր հերթին, դիրքերն ավելի ամրապնդեց ամենազոր բաադադ Արդունի հովանավորությունից զատ Հուլավուի բարեհաճությանն արժանացած Մսրատ Օրբելյանը³⁰:

Սակայն շուտով տեղի ունեցավ մի կարևոր իրադարձություն, որը մոնղոլները Գյուրջիստանի վիլայեթի, մասնավորապես Ջաքարյան Հայաստանի վերնախավում ուժերի նոր, իրենց համար առավել նպաստավոր հարաբերակցություն ստեղծելու առիթ ծառայեցրին: Դա Ուլու Դավթի գլխավորած 1259–1261 թթ. հայ-վրացական հակամոնղոլական ապստամբությունն էր, որին առավել գործուն մասնակցեց վրացական ավագանու մի հատվածը: Բանն այն է, որ չնայած մոնղոլների ռազմական ձեռնարկումներին թագավորի և հայ ու վրաց իշխանների մասնակցությունը հպատակության կարևոր պայմաններից էր և, ինչպես նշվեց, դիրքերի ու տիրույթների էթե ոչ մեծացման, ապա գոնե պահպանման էական միջոց, կապված էր ոչ միայն մեծ գրկանքների ու դժվարությունների, այլև կյանքը հանուն օտար տիրողի կորցնելու իրական վտանգի հետ: Այս ամենը, չնայած ռազմավարից մասնաբաժին ունենալուն³¹, հարուցում էր հայ-վրացական ավագանու խուլ դժգոհությունը: Դա մասնավորապես դրսևորվեց 1258 թ. դեպի Հյուսիսային Միջագետք Հուլավուի վերոհիշյալ արշավանքի ընթացքում: Ուլու Դավթին ու արշավանքին մասնակից հայ և վրաց իշխանները վաղուց ռազմարշավների մեջ լինելու պատճառաբանությամբ Հուլավուից տուն վերադառնալու թույլտվություն խնդրեցին, և վերջինս բավարարեց նրանց խնդրանքը³²:

Մոնղոլական ռազմարշավներին ստիպողական մասնակցության հարուցած խուլ դժգոհությանը հավելվեց բաադադ Արդունի կատարած 1254 թ. աշխարհագրի հետևանքով հարկերի ծանրացման դեմ սուր բողոքը: Կիրակոս Գանձակեցու վկայությամբ «թագաւորն վրաց Դաւիթ՝ որդի Լաշային, որ կայր ի հնազանդութեան թաթարին, նեղացաւ, ձանձրացաւ ի բազում հարկապահանջութեանցն, որ նեղէին զնա և՛ զամենայն իշխանսն, և՛ զամենայն աշխարհս անհնարին ծանրութեամբ, զոր ոչ կարէին բառնալ»³³: Ուլու Դավթին հատկապես զայրացրել էին պարսիկ վաճառական Խոջա Ազիզի՝ Արդունի օգնականի, հարկային չարաշահումները, որոնք շոշափում էին նրա նաև անձնական շահերը³⁴: Ըստ Աթա Մալիք Ջուվեյնու, նրանից նաև պահանջվել էր մարել հարկային ապառքները³⁵:

Ջուվեյնու համաձայն՝ Հուլավուի դեմ նախքան այդ ընդվզել էր Ուլու Դավթի գահակից Դավիթ Նարինը՝ նրա հորաքույր Ռուսուդան թագուհու որդին: Չնայած Դավիթ Նարինին բռնելու և ընդվզումը ճնշելու համար Հուլավուն Արդունի հրա-

³⁰ Պատմութիւն նահանգին Միսական արարեալ Ս տ ե փ ա ն ն ո ս ի Օ Ր Բ Է Լ Ե ա ն արքեպիսկոպոսի Միւնեաց (այսուհետև՝ Ս տ ե փ ա ն ն ո ս Օ Ր Բ Է Լ Ե ա ն), Թիֆլիս, 1910, էջ 414:

³¹ Карлис цховреба, с. 364.

³² Նույն տեղում:

³³ Կ ի ր ա կ ո ս Գ ա ն ձ ա կ Ե ց ի, էջ 389:

³⁴ Карлис цховреба, с. 365–366.

³⁵ The History of the World-conqueror by Ala-ad Din ata-Malik Juvaini (այսուհետև՝ J u v a i n i), vol. II. Manchester, 1958, p. 525.

մանատարությամբ մոնղոլներից ու մահմեդականներից կազմված մեծ ուժեր էր ուղարկել, նրան հաջողվել էր խույս տալ: Արդունը նրան հետապնդելիս շատերին սպանել, բազմաթիվ գերիներ էր վերցրել ու հետ դառնալով՝ 1259 թ. սեպտեմբերի սկզբին Թավրիզում միացել դեպի Ասորիք ու Հյուսիսային Միջագետք արշավանքի պատրաստվող իլխանին: Երբ նա Հուլավուին ներկայացնում է Գյուրջիստանի վիլայեթում տիրող վիճակը, վերջինս նրան 20 հազարանոց հեծյալ զորք է տրամադրում, որպեսզի այնտեղից հավաքի չվճարված հարկերը³⁶:

Ըստ վրաց հեղինակի, երբ Հուլավուն 1251 թ. «որոշեց Մսերքի սուլթանի դեմ (Ասորիք ու Հյուսիսային Միջագետք – Ա. Ե.) գինավառ արշավել»³⁷, դրան մասնակցության կոչելով Ուլու Դավիթին և հայ ու վրաց իշխաններին՝ վրաց արքան երկմտանքի մեջ ընկավ: Ի վերջո, չնայած արշավանքին մասնակցելու նախնական որոշմանը, Հուլավուի մոտ չհասած՝ Ջավախքում, ըստ երևույթին լսելով չվճարված հարկերը գանձելու նպատակով Արդունի՝ զորքով Վրաստան շարժվելու լուրը, որոշեց չմասնակցել արշավանքին ու ապստամբել: Նրա մոտ կանչված հայ ու վրաց իշխանների մի մասը «նեղեալք և տառապեալք, ծախեալք և գրաւ եղեալ զքաղաքս և զգաւառս, և ոչ կարեցեալք յագեցուցանել զանյագսն ըստ նմանութեան չար տգրկացն»³⁸ որոշում են ապստամբել: Մյուսները վճռում են չապստամբել և մասնակցել արշավանքին, ինչպես, օրինակ, Շահնշահ ամիրսպասալարի որդի Իվանեին:

Հավանաբար որոշած լինելով ապստամբել համեմատաբար անվտանգ Մամգիսեում, Ուլու Դավիթն իր մոտ է կանչում այնտեղի սպասալար, իշխան Սարգիս Ջաղելուն և համոզում ապստամբել: Ստանալով նրա համաձայնությունը, Ուլու Դավիթն անցնում է Մամգիսե: Արդունի ձեռքն ընկնելուց նա այնքան էր տագնապում, որ աճապարելով Գոնցա թագուհուն ու նրանից ունեցած Դեմետրե նորածին որդուն իր հետ տանել չկարողանալով թողնում է Բջնիում, որտեղ, անկասկած, գտնվում էր նաև Խոշաքը: Արդունը զորքով Թավրիզ–Պարտավ–Գանձակ–Հունարակերտ ճանապարհով հասնում է Սումխիթ, իսկ այնտեղից մտնում Տիֆլիս: Նրան միանում են Ուլու Դավիթն չհարած իշխանները: Չնայած վերջիններիս գործուն մասնակցությամբ Արդունին հաջողվում է կոտրել ապստամբների համառ դիմադրությունը, բայց չի կարողանում գերել Ուլու Դավիթին: Վերջինս, ի վերջո, անցնում է Արևմտյան Վրաստան և ապստամբում Քուրթայիսում՝ Դավիթ Նարինի մոտ, իսկ մեկ տարի անց որոշակի պայմաններով գնալով Պարտավում գտնվող Հուլավուի մոտ՝ կրկին հնազանդվում է մոնղոլներին՝ մասնակցելով Ոսկե հորդայի խան Բերքեի դեմ իլխանի կռիվներին³⁹: Կիրակոս Գանձակեցու համաձայն ապստամբությունը ճնշելիս Արդունն ասպատակեց «զբազում գավառս

³⁶ Նույն տեղում, էջ 524-525:

³⁷ Карлис цховреба, с. 365.

³⁸ Կ ի ր ա կ ու Գ ա ն ձ ա կ ե ց ի, էջ 389: Չնայած բոլոր խավերի համար հարկերի անօրինակ ծանր լինելու մասին հայ-վրացական սկզբնաղբյուրների միահամուռ պնդմանը՝ Ջուվեյնին դրանք աղբյուրների համար է ծանր համարում, իսկ ունեորների համար՝ թեթև (J u v a i n i, vol. II, p. 524):

³⁹ Ապստամբության մասին տե՛ս Карлис цховреба, с. 365–372; Կ ի ր ա կ ու Գ ա ն ձ ա կ ե ց ի, էջ 389-390, Մ ի թ ա ր Ա յ ր ի վ ա ն ե ց ի, էջ 67, J u v a i n i, vol. II, p. 525 և այլն:

վրաց կոտորեաց և գերեաց անխնայարար»⁴⁰: Հատկապես տուժեց ապստամբության կենտրոն հայաբնակ Սամցխեն: Մխիթար Այրիվանեցին իր հերթին նկատում է, որ մոնղոլները «քակեցին զամենայն բերդս և զամենայն ամուր եկեղեցիս զՀայոց, զՎրաց և զԱղուանից ի ձեռս Խոճազիզ (Խոջա Ազիզ – Ա. Շ.) տաճկին»⁴¹:

Երբ Արդունն ապստամբության բոլոր օջախները դեռ լիովին չճնշած, Հուլավուի հրամանով վերադարձավ նրա գորակայան, հարկերը մուծած չլինելու պատճառաբանությամբ իր հետ տարավ Գոնցային, Խոջաքին, Դեմետրեին, ինչպես նաև Շահնշահ Չաքարյանին, Հասան-Չալալին և շատ այլ իշխանների, «յորոց բազում գանձս առեալ, հագիւ գերծան ի մահուանե»⁴²: Սակայն Հասան-Չալալի հանդեպ անձնական թշնամանք տածող Արդունը հարմար պահն օգտագործելով Ներքին Խաչենի իշխանին ազատ չարձակեց: Նա Հասան-Չալալին տարավ Ղազվին և հրամայեց տանջամահ անել: Դա կատարվեց 1261 թ.: Ընդ որում, Արդունն այնպես արեց, որ Հասան-Չալալի դուստր Ռուսուդանը չհասցնի Տոնդուզ խաթունի միջնորդությամբ փրկել հորը⁴³: Նույն թվականին Արդունի սադրանքով Հուլավուն հրամայեց խոշտանգելով սպանել նաև Շահնշահ Չաքարյանի որդի Չաքարե ամիրսպասալարին: Նա մեղադրվել էր ապստամբների հետ գաղտնի կապեր ունենալու, հարկեր չվճարելու և այլ մեղքերի մեջ: Եվ դա այն դեպքում, երբ նա մասնակցել էր ապստամբության ճնշմանը, իսկ հայրը, ինչպես տեսանք, վճարել էր հարկերը: Երբ Օձուն գյուղում գտնվող Շահնշահն առավ երիտասարդ որդու եղեռական մահվան լուրը՝ վշտից հանկարծամահ եղավ⁴⁴: Չինսյվեց նաև Գոնցան, որը ևս 1261 կամ, որ ավելի հավանական է, 1262 թ. Հուլավուի հրամանով սպանվեց⁴⁵: Այսպիսով, Ուլու Դավթի ապստամբության և դրան հաջորդած անցքերի բերումով Գյուրջիստանի վիլայեթի հայկական հինգ թումաններից երեքը գլխատվեցին: Չաքարեի, Գոնցայի ու Հասան Չալալի փոխարեն Հուլավուն նրանց թումանների գլուխ կարգեց Չաքարեի եղբայր Իվանեին, Գոնցայի դուստր Խոջաքին և Հասան Չալալի որդի Աթաբեկին, որոնք զուրկ էին իրենց նախորդների քաղաքական կշռից ու հեղինակությունից: Դա, իր հերթին, հանգեցրեց Չաքարյան Հայաստանի ավագանու շարքերում ուժերի վերադասավորման ու հոգուտ Օրբելյանների՝ ի դեմս Սմբատ Օրբելյանի դրանց նոր հարաբերակցության: Չնայած խորամանկ և միջոցների միջև խտրություն չդնող Օրբելյան իշխանն իրենց նախկին սյուզերեն «Ավագյան տան» նկատմամբ առաջնության համար պայքարում հաջողության հասավ, նվաճողների աչքում նա հերթական ժամիշխան էր, որքան էլ Սյունյաց պատմիչը հորեղբոր հնարավորությունները չափազանցնելով պնդեր, թե նա Հուլավուի միջոցով «ուժ կամեր՝ մահ տայր ածել, և ուժ կամեր՝ կեանս

⁴⁰ Կ ի ը ա կ ն ու Գ ա ն ձ ա կ ե ց ի, էջ 390:

⁴¹ Մ խ ի թ ա ը Ա յ ը ի վ ա ն ե ց ի, էջ 67:

⁴² Կ ի ը ա կ ն ու Գ ա ն ձ ա կ ե ց ի, էջ 390: Հմմտ. Մ խ ի թ ա ը Ա յ ը ի վ ա ն ե ց ի, էջ 687:

⁴³ Տե՛ս, օրինակ, Կ ի ը ա կ ն ու Գ ա ն ձ ա կ ե ց ի, էջ 390-391, Վ ա ը ղ ա ն վ ա ը ա կ ե տ, էջ 152, Карлис цховреба, с. 372; Մանր ժամանակագրություններ, XIII-XVIII դդ., հ. I, էջ 43, Մ խ ի թ ա ը Ա յ ը ի վ ա ն ե ց ի, էջ 68 և այլն:

⁴⁴ Կ ի ը ա կ ն ու Գ ա ն ձ ա կ ե ց ի, էջ 392, 393, Վ ա ը ղ ա ն վ ա ը ա կ ե տ, էջ 153, Карлис цховреба, с. 372; Մանր ժամանակագրություններ, XIII-XVIII դդ., հ. I, էջ 43, Մ խ ի թ ա ը Ա յ ը ի վ ա ն ե ց ի, էջ 68 և այլն:

⁴⁵ Карлис цховреба, с. 372; Մ տ ե փ ա ն ու Օ ը բ ե լ յ ա ն, էջ 418:

շնորհեր»⁴⁶: Անշուշտ, Սմբատն ուժերի ներածին չափով դավով ու քսությանը նպաստեց դեպքերի հոգուտ իրեն զարգացմանը: Մակայն, իրականում, նա Հուլավուի և Արդունի ձեռքում սուկ գործիք էր Գյուրջիստանի վիլայեթում, մասնավորապես Զաքարյան Հայաստանում, ուժերի նոր և կայուն հարաբերակցություն ստեղծելով մոնղոլական տիրապետությունն էլ ավելի ամրապնդելու գործում: Եվ բնավ պատահական չէ, որ նվաճողներն ի հակակշիռ Սմբատի շուտով առաջ քաշեցին նոր ուժի՝ Օրբեյյան իշխանին անձնական որակներով ոչնչով չզիջող, գուցե և գերազանցող Սադուն Մահկանաբերդցուն՝ Խոշաքի խնամակալին:

Ճիշտ է, իրավիճակի կտրուկ փոփոխության պատճառով, այն է՝ Ոսկե հորդանյի խան Բերքեի հարձակմանը դիմագրավելիս Ուլու Դավթի զինուժն օգտագործելու շահեկանությունից դրդված՝ Հուլավուն նրան մահապատժի չենթարկեց, սակայն վրաց արքան վերջնականապես կորցրեց իլխանի վստահությունը: Այդ է պատճառը, որ նրան հաջողվեց Տփլիս վերադառնալ միայն 1265 թ. փետրվարի 8-ին Հուլավուի անժամանակ մահվանից հետո, այն էլ թախանձագին խնդրանքներով⁴⁷: Նրա բացակայության ժամանակ Արդունն իլխանի հրամանով Գյուրջիստանի վիլայեթի քաղաքացիական կառավարումը 1261 թ. հանձնել էր մոնղոլական վերնախավի լիակատար վստահությունը վայելող հայ մեծահարուստներից մեկին՝ Սարավանի որդի պարոն Սահմադինին (Շնորհավորին)⁴⁸: Վիլայեթի զինվորական հրամանատարությունը տրվել էր մոնղոլ Սահլաթունին⁴⁹:

Զաքարյան Հայաստանի ավագանու շարքերում ուժերի վերադասավորումից առավելապես տուժեց «Շահնշահյան տունը»: Շահնշահյանները ոչ միայն ստիպված էին հրաժարվել «Ավագյան տան» տիրույթների նկատմամբ հավակնություններից ու կորցնել ամիրսպասալարությունը՝ բավարարվելով մանդատորթոխուցեսի ձևական դարձած պաշտոնով, այլև տնտեսական քայքայման ուղին բռնելով՝ մաս-մաս վաճառքի հանել տոհմային սեփականությունը: Այսպես՝ Շահնշահի որդիներից Արտաշիրը 1261 թ. Սահմադինին վաճառեց Անիի Բագրատունիների երբեմնի ամառանոց Մրենը⁵⁰: Հետագայում «Շահնշահյանների տան» տնտեսական քայքայումը ոչ միայն չդադարեց, այլև խորացավ: Դրա վկայությունն է Սամվել Անեցու շարունակողի «ՌՄԿԷ (1267 – Ա. Շ.): ԶՅանի ծախեցին Շահնշահի որդիքն»⁵¹, հիշատակությունը: Այս կարևորագույն տիրույթի ստիպողական վաճառքն անկասկած իրականացվել է «Շահնշահյան տունը» գլխավորող Բվանեի նախաձեռնությամբ ու եղբայրների համաձայնությամբ: Բնչպես Մրենի վաճառքի, այնպես էլ այս դեպքում, գնորդն առևտրավաշխատական կապիտալի ներկայացուցիչ էր, բայց ոչ թե հայ, այլ՝ հայկական իրականության հետ սերտ կապեր ունեցող պարսիկ: Դա խորասանյան ծագմամբ ամենագոր Շամս ադ-Դին Մուհամմեդ

⁴⁶ Մ տ է փ ա ն ու Օ Ր Բ է Լ Ե Մ ն, էջ 421:

⁴⁷ Карлис цховреба, с. 373.

⁴⁸ Նույն տեղում, էջ 369, Վ ա ր դ ա ն վ ա ր դ ա պ է տ, էջ 158-159: Սահմադինի մասին տե՛ս Ա. Գ. Մ ա ր ց ա յ ա Ն. К вопросу о личности и деятельности «некоего Шагина». – Кавказ и Византия, вып. 3, 1987, с. 64-72:

⁴⁹ Վ ա ր դ ա ն վ ա ր դ ա պ է տ, էջ 158-159:

⁵⁰ Հայագիտական հետազոտություններ, պրակ Ա, Երևան, 1974, էջ 41-42:

⁵¹ Մ ա մ վ է Լ Ա ն է ց ի, էջ 161:

նշվեց, մոնղոլները Գոնցայից ազատվեցին, առաջին հերթին, ելնելով սեփական շահերից, սակայն դրանում իր լուսնան ունեցավ նաև Սմբատը: Այդ են վկայում Ստեփանոս Օրբելյանի խոսքերն առ այն, որ նա «խորհի այլ իշխանացն և տան սպանանել ի ծովամիջի (Սևանա լճի – Ա. Ծ.) գԳոնցայն, հրամանաւ Հուլաու դանին»⁵⁷: Սմբատի հեռահար նպատակը Գոնցային ասպարեզից հեռացնելով իր նախկին սյուզերենների իշխանությանը տիրանալն էր: Ակամա դա է վկայում Ստեփանոս Օրբելյանը, որը ցանկալին իբրև իրականություն ներկայացնելով, պնդում է, թե իբր «Սմբատայ հայրագիր լեալ տանն Աւագին» և որ Գոնցայի սպանությունից հետո «ինքն իշխելը ամենայն իշխանութեանց Աւագին» և «տայ... գՄոշաքն ի կնութիւն մեծ Խոջային սահիպ դիւանին»⁵⁸: Հայ պատմագիտության մեջ Սյունյաց պատմիչի այս պնդումներն իրավացիորեն վիճարկվել են⁵⁹: Բանն այն է, որ, ինչպես արդեն տեսանք, «Ավագյան տան» հայրագիրը, այսինքն՝ խնամակալը, Սադուն Մահկանաբերդցին էր: Բացի այդ, մոնղոլները չէին հանդուրժի Սմբատ Օրբելյանի նպատակի իրականացումը, քանի որ Գյուրջիստանի վիլայեթում ի հայտ կգար մի հզոր իշխանություն, ինչը կխախտեր այնտեղ իրենց իսկ սահմանած ուժերի հավասարակշռությունը: Դա չէր հանդուրժի նաև Սադուն Մահկանաբերդցին: Ուստի պետք է հաղթեր նա, քանզի այս հարցում նրա և մոնղոլների շահերը համընկնում էին: Հենց նրա և ոչ թե Սմբատի ջանքերով է, ինչպես պնդում է Ստեփանոս Օրբելյանը, որ Խոջաքը 1269 թ. ամուսնացավ ամենագոր Սահիբ Դիվանի հետ: Այս ամուսնությունը երկու կողմերի՝ Սահիբ Դիվանի ու Խոջաքի և միջնորդի՝ Սադուն Մահկանաբերդցու մանրակրկիտ հաշվարկների արդյունք գործարք էր: Այն Խոջաքին հնարավորություն տվեց ի չիք դարձնելու իր հայրական տիրույթները սեփականելու Ուլու Դավթի ու Սմբատ Օրբելյանի, ինչու չէ նաև «Շահնշահյան տան», հավակնությունները և ամենագոր Սահիբ Դիվանի նման պաշտպան ունենալով՝ վերականգնելու «Ավագյան տանն գերիշխող դիրքերը: Դա է փաստում թեկուզ այն հանգամանքը, որ նա ամուսնությունից մեկ տարի անց՝ 1270 թ., Չագավանից ժողովի հրավիրումը նախաձեռնած հայ ավագանիների շարքում հիշատակվում է առաջինը՝ նախորդելով Պոռո Խաղբակյանին, Սադուն Մահկանաբերդցուն և Սմբատ Օրբելյանին»⁶⁰: Այս անունների կողքին Զարարյան իշխանական տան մյուս ճյուղերի՝ «Շահնշահյան տան», Վահրամյանների ու Թմոզվեցիների ներկայացուցիչների անունների բացակայությունը⁶¹ փաստում է, որ նրանք այնքան էին թուլացել, որ երկրի քաղաքական կյանքում լուրջ դերակատարություն չունեին: Այսպիսով՝ Խոջաքի հաշվենկատ ամուսնության շնորհիվ «Ավագյան տան» դիրքերն ուժեղացան: Սակայն, ինչպես ցույց տվեց

⁵⁷ Ս տ ե փ ա ն ն ո Ս Օ Ր Բ Ե Լ Ե Կ 418:

⁵⁸ Նույն տեղում:

⁵⁹ Ա շ ո տ Հ ո վ հ ա ն ն ի ս յ ա ն ն. նշվ. աշխ., էջ 214, ծան. 2, Լ. Հ. Բ ա բ ա յ ա ն ն. Հայաստանի սոցիալ-տնտեսական և քաղաքական պատմությունը XIII-XIV դարերում, Երևան, 1964, էջ 277, Հ. Մ ա բ գ ա բ յ ա ն ն. 11-14-րդ դարերում հայ-իրանական կապերի պատմությունից..., էջ 116:

⁶⁰ Կանոնագիրք Հայոց, խմբագրեց Արսեն Դլտճյան, Թիֆլիս, 1913, էջ 180:

⁶¹ Չագավանից ժողովի մասին տե՛ս Գ. Հ ո վ ս ե փ յ ա ն ն. Չագավանից ժողովը. – «Շոդակաթ» (Էջմիածին), 1913, էջ 23-27:

ապագան, դա ժամանակակից էր, քանի որ վերը նշված պատճառներով Չարարյան իշխանական տան դիրքերն անշրջելիորեն սասանվել էին:

ЗАХАРИДСКАЯ АРМЕНИЯ В ПЕРВЫЙ ПЕРИОД ИЛЬХАНСТВА

АРТАШЕС ШАХНАЗАРЯН

Р е з ю м е

Брат великого монгольского хана Манту-Улау, захватив весь Иран, создал новое монгольское государство, которое именовалось Ильханством и официально было признано в 1261 г. В это огромное государство входила и Захаридская Армения, включенная в вилайет Гюрджистан. В 1258–1260 гг. Улау вел ряд войн с целью захвата Аббасидского халифата, всего северного Междуречья, Ассирии. В них вынуждены были принимать участие и князья Захаридской Армении со своей конницей. В первый период Ильханства ослабили позиции княжеского рода Захаридов, до той поры главенствующего в Армении. Главными причинами этого был экономический упадок рода Захаридов, вследствие жесточайшей налоговой политики монголов и усиление монголами – в противовес Захаридам – других княжеских родов.

THE ZAKARYANS' ARMENIA IN THE FIRST PERIOD OF ILKHANATE

ARTASHES SHAHNAZARYAN

S u m m a r y

Great Mongolian khan Mantu-Ulau's brother captured the whole Iran, created new Mongolian state, which was named Ilkhanate and was officially recognized in 1261. The Zakaryans' Armenia, included in the vilayet of Gyurjistan, was also in that huge state. In 1258–1260 Ulau waged a number of wars with the purpose of conquering the Abbasid Caliphate, all northern Mesopotamia, Assyria. The princes of the Zakaryans' Armenia also had to take part in those wars with their cavalry. In the first period of Ilkhanate the Zakaryans' princely family's positions, having been predominant in Armenia up to that time, weakened. The main reason of that was the economic decline of the Zakaryans' family as a result of the Mongols' cruel taxation policy and strengthening by the Mongols other princely families to counterbalance the Zakaryans.